



他冊乃昭信名目已列著錄

此兩冊查係別本清太祖世祖實錄殘稿珍之

舊普通書目作清史殘稿列入別史類

壬午月吾記

洪巴圖魯貝勒代善貝勒策馬奮怒曰



皇父每有征伐無不破降其衆今雖未親履行聞有我
等在此爾衆勿憂昔布占泰來侵我國之日被我國
禽而縛之泰養多時宥其死以歸俾主其國為時
不久其人如故曾從吾手而釋豈天釋之耶爾等勿
謂彼兵為多我國荷

天眷仗

天威

皇父威名夙著破敵兵必也衆軍士皆奮願效死遂
渡河洪巴圖魯貝勒代善貝勒各率兵五百分

緣山奮擊。吳喇兵遂敗。代善貝勒追及吳喇統
兵博克多貝勒。從馬上左手攬其胷而斬之。時天
氣晴明。忽焉陰晦。大雪寒冽。被傷敵兵。棄甲逃
者。僵仆甚衆。是役也。陣斬博克多貝勒父子。生
禽常住貝勒父子。及胡里布貝勒。斬三千級。獲
馬五千匹。甲三千副云。初我兵與吳喇兵接戰時。
舒爾哈齊貝勒率兵五百立山下。見二貝勒破敵
追擊。始驅兵前進。適有大山間之。逸山行。未能多
所斬獲。及班師。

上賜弟舒爾哈齊貝勒名達爾漢巴圖魯。以長子

洪巴圖魯貝勒。遇大敵。率先擊。敗其衆。賜名阿爾
哈圖土門。以次子代善貝勒。斬吳喇博克多貝勒。弟
兄并進克敵。賜名古英巴圖魯。

不接

上許焉。發兵一千助之。葉赫納林布祿搆拜音達里

曰。爾若歸爾質子。吾即反爾叛族。拜音達里信

其言。乃曰。吾其中立於滿洲葉赫二國之間乎。遂

取回所質七臣之子。以己子與納林布祿貝勒為

質。而叛族竟不反焉。拜音達里貝勒遣其臣告

上曰。吾前者誤為納林布祿所誑。今欲倚賴

上恩。乞以女賜我為婚。

上允之。後拜音達里貝勒背約不娶。

上遣使謂曰。汝昔助葉赫。二次來侵。今聘吾女。又背

約不娶。何也。拜音達里貝勒始曰。俟吾葉赫質子

歸。乃娶爾女。與爾合謀。因築城自固。凡三層。後所質



葉赫之子既歸。

上復遣使謂曰。爾質子歸。今將何如。拜音達里貝勒謂。堅城足恃。遂負約。

上即於是月己亥。率兵征之。甲辰。兵至。圍其城。克之。誅拜音達里貝勒父子。殲其兵。招服其民。遂班師。初輝發國。本姓益克得里。原黑龍江岸。尼馬察部人。始祖昂古里。星古力。自黑龍江載木。遷於渣魯。居焉。有扈倫國人。噶揚噶圖墨土。姓納喇氏。居於張。因附其姓。宰七牛祭天。改姓納喇。星古力生子二。長

留臣。次倫臣。倫臣生納領噶。耐寬。納領噶生拉哈都督。拉哈都督生噶哈禪。都督。噶哈禪都督生齊納根。達爾漢。齊納根。達爾漢生王機砮。王機砮招服輝發諸部。於輝發河邊。扈爾奇山。築城居之。因名輝發國。其時蒙古察哈爾國。查薩克圖土門汗。自將圍其城。不克而還。王機砮貝勒卒。孫拜音達里。殺其叔七人。自爲輝發國貝勒。至是乃滅。

己酉冬十二月戊申朔

上命扈爾漢蝦。率兵一千。征東海兀集部所屬。溥野路。盡取之。收二千戶而還。

辛亥冬十二月丙寅朔

上命何和理額駙額宜都巴圖魯達爾漢蝦三人率兵二千征兀集部之虎爾哈路圍扎庫塔城三日招之不下遂攻克其城斬首千餘俘二千人其環近各路盡招撫之令土勒伸額勒伸二人衛其民五百戶而歸。

太祖高皇帝實錄卷之三 已亥年至 辛亥年完

辛亥秋七月戊戌朔

上命子阿巴泰台吉及蜚英東扎爾固齊順科落巴

戊申春三月戊子朔

上命子阿爾哈圖土門貝勒姪阿敏台吉率兵五千征吳喇國圍其宜罕阿麟城克之斬千人獲甲三百俘其衆以歸時吳喇國布占泰貝勒與蒙古科爾沁國寬阿代貝勒合兵出吳喇城二十里駐兵遙望知非我軍之敵遂共約而還。

圖魯率兵一千征東海兀集部之烏爾古宸木倫二路皆取之。

時蘇完部主索爾果率本部軍民來歸

上以其子蜚英東為一等大臣。又董鄂部主克轍巴顏之孫何和理亦率本部軍民來歸。

上以長女妻之。授為一等大臣。又鴨喇古寨扈喇虎因殺其族人率軍民來歸。

上以其子扈爾漢為養子。賜姓覺羅。亦授為一等大臣。是時

上招徠各路。其環境諸國皆削平之。國勢日盛。明亦遣使通好。歲

以金幣聘問。我國產東珠。人參。紫貂。元狐。狍。狸。獾。諸珍異之物。

足備服用。於撫順。清河。寬奠。靉陽。四關口互市。以開財源。自此

國富民殷云。

己丑。春正月己酉朔。

上率兵征兆佳城主甯古親章京。伏兵城下。時城內兵百人出。伏兵不即擊。引弓射之。敵知有伏。大驚。欲奔入城。衝至

上前。

上獨入百人中。手刃九人。擊敗其眾。城不得入。攻四日。城將下。我兵遂弛備。爭取俘獲。聚而譟。

上見之。解甲被柰虎身。曰。我兵互爭。恐自相蹂躪。爾往禁之。柰虎往。弗為禁。亦爭取焉。

上又以綿甲被把爾太曰。敵將遁。趣取吾甲。把爾太

往爭取。不即至。適^敵兵十人突出。

上有族弟王善者。敵擲之仆地。踞其^身欲刺時。上未甲。奮身直入。發矢中敵人額。應弦而踣。救王善。克其城。斬甯古親章京而回。

庚戌冬十一月壬寅朔。

上命額宜都巴圖魯。率兵一千。往東海兀集部之那木都魯。雖分。寧古塔。尼馬察四路。招其路長康里。喀克都里。昂古。明噶兔。烏路噶。僧格。尼喀里。湯松噶。葉克舒等。令其家口前行。額宜都巴圖魯回。兵至雅攬路。遂擊取之。獲人口萬餘而回。

癸巳年冬十月。訥殷路搜穩塞克什。聚七寨人。據佛多和山寨而居。

閏十一月辛巳朔。

上命額宜都巴圖魯。噶蓋扎爾固齊。順科落巴圖魯。三人督兵千人。圍訥殷佛多和山寨。攻擊之。三月乃下。斬搜穩塞克什。班師。

癸巳夏六月甲申朔。葉赫國布寨貝勒。納林布祿貝勒。因與

上有隙。糾哈達國貝勒孟格布祿。吳喇國貝勒滿太。輝發國貝勒拜音達里。四國合兵。劫我戶布察寨。

上率兵追之。於哈達兵歸之夜。伏步兵於途。少引兵亦略哈達國富兒家齊寨而還。哈達兵追至富兒家齊寨。

上欲引敵至伏兵處。令我兵前行。獨殿後。誘之時。追兵已至。有三人聯騎。揮刀趣

上將及前。又一人揮刀迎擊。

上思兵刃後至。猶可避。若前至之人。傷及面目或手。柰何。因引弓射前至一人。又在右。發矢非便。因回身。從馬項上射之。中馬腹。遂逸去。其三人乘發矢時。掩殺齊至。

上乘馬驚躍。幾墜。賴右足據鞍。得復乘。遂射孟格布祿馬。踏地。其家人泰因布祿將所乘馬與其主乘之。徒步奔回。於是

上率騎兵三人。步卒二十人。回兵進擊。敗之。斬十二人。獲甲六副。馬十八匹。乃還。

癸巳

秋九月壬子朔。葉赫國布寨貝勒納林布祿貝勒。

哈達國孟格布祿貝勒。吳喇國滿太貝勒之弟布占。

泰貝勒。輝發國拜音達里貝勒。北嫩河蒙古科爾沁。

國。寔阿代貝勒。莽古思貝勒。明安貝勒。席北部。卦爾。

察部。及滿洲長白山所屬朱舍里路長。尤楞格。訥殷。

路長搜穩塞克什。九姓之國。合兵分三路來侵。

上聞之。遣兀里堪由東路往偵。兀里堪既行。距

上所駐城將百里。度嶺。羣鴉競噪。若阻其行者。欲回鴉乃散。再行。鴉復噪。飛鳴撲面。幾不能前。兀里堪異之。

馳歸告

上。

上命由扎喀路向渾河部偵之。兀里堪疾馳至暮。見敵

兵營渾河北岸。軍士夜爨。火密如星。飯畢。乘夜度沙

濟嶺而進。兀里堪偵寔。奔告。時夜已過半。

上曰。日者聞葉赫兵來。今果然矣。我兵昏夜出。恐驚國

國中。且日兵啟行。傳語諸將。遂就寢。甚酣。福金富察

氏呼

上覺。謂曰。爾方寸亂耶。懼耶。九國兵來攻。豈酣寢時乎。

上曰。人有所懼。雖寢不成寐。我果懼。安能酣寢耶。前聞

葉赫兵三路來侵。因無期。時以為念。既至。吾心安矣。

吾若有負於葉赫。

天必厭之。安得不懼。今我順

天命。安疆土。彼獨不悅。糾九國之兵。以戕害無咎之人。

知

天必不祐也。言畢。安寢如故。旦日。

上食已率諸貝勒大臣詣

堂子拜復再拜祝曰

皇天后土上下神祇

與葉赫本無讐端守境

安居彼來構怨糾合兵衆侵凌無辜

天其鑒之又拜祝曰願敵人垂首我兵奮揚人不遺鞭

馬無顛躓惟祈默祐助我戎行祝畢遂引兵至拖克

索地立渡處誡軍士曰盡解爾蔽手去爾護項留此

或項臂傷惟

天是命不然身先拘繫難以奮擊我兵輕便破敵必矣

衆皆如

一命行至扎喀之野扎喀城城守柰虎山坦二人來告

曰敵兵辰時已至圍攻扎喀城不能克退攻黑濟格

城但兵來甚多衆聞言為之色變扎喀城有名郎塔

里者後至呼曰貝勒安在我兵幾何言訖遂登山望

之告

上曰若以來兵為多我兵亦豈少耶昔征明時彼兵漫

山蔽野我以兵三二百尚敗其衆我國之人驍勇敢

戰必破敵兵如不勝吾甘軍法衆聞言心始安

上且使人往偵謂曰敵若還軍乘夜擊之否則旦日接

戰時敵兵運糧芻立營壘偵者得寔具告

上遂駐軍是夕葉赫營有一人來降者言葉赫布寨貝勒納林布祿貝勒兵萬人哈達孟格布祿貝勒吳喇布占泰貝勒輝發拜音達里貝勒兵萬人蒙古科爾沁寬阿代貝勒莽古思貝勒明安貝勒及席北部卦爾察部兵萬人凡三萬人我兵聞之色又變

上曰爾等毋憂吾必不疲爾力俾爾苦戰惟壁於險隘誘之使來既來我兵迎擊之否則四圍列陣步戰徐進彼部長甚多兵由烏合勢將觀望不前其爭先督戰者必其貝勒我以逸待勞傷督戰貝勒一二人彼

衆自潰我兵雖少併力一戰可必勝也遂於旦日進

兵初葉赫兵攻黑濟格城未下是日又攻適

上至於古勒山對黑濟格城據險結陣令各旗貝勒大臣整兵以待遣額宜都巴圖魯率兵百人挑戰葉赫兵見之罷攻城引兵來戰我軍勒兵接戰敗之斬其九人敵稍却葉赫布寨貝勒金台石貝勒及蒙古科爾沁三貝勒復併力合攻布寨貝勒直前衝入所乘馬觸木而踣我兵名吳談者奔而前踞其身刺殺之敵兵大敗葉赫貝勒等見布寨貝勒被殺皆慟哭他貝勒大懼膽落棄兵衆奔潰而遁蒙古科爾沁明安

貝勒馬被陷。遂棄鞍裸身乘驃馬逃。僅身免。
上縱兵掩殺。積屍滿溝壑。追擊至哈達國柴河寨之南。
烏黑運地。是夜結繩截路。邀殺敗兵甚衆。明日一卒
擒吳喇貝勒布占泰見。

上曰。我獲一人。將殺之。彼大呼勿殺。願自贖。因縛之來。

跪

上前

上問曰。爾何人也。對曰。我吳喇國滿太貝勒之弟布占
泰也。恐見殺。未敢明言。生死惟貝勒命。遂叩首。

上曰。汝等九部會兵。侵害無辜。

天厭汝等。昨已擒斬布寨。彼時獲爾。亦必殺矣。今既見
汝。何忍殺。語曰。生人之名。勝於殺人之名。與人之名。勝於
取。遂解其縛。賜捨狸獾裘。泰養之。是役也。斬級四千。
獲馬三千匹。鎧冑千副。我國自此軍威大震。遠邇懾
服。

壬子 秋九月壬辰朔。○時吳喇國布占泰貝勒復背
盟。侵

上所屬兀集部之虎爾哈路者。再復欲娶
上所聘葉赫國布寨貝勒女。又以鳴鏑射所娶
上女。

上聞之大怒。癸丑率大兵征之。庚申至吳喇國。上張黃蓋。鳴鉦鼓。沿吳喇河而行。布占泰貝勒統兵迎戰。至河濱。見我兵甲冑鮮明。士馬精強。軍勢甚盛。吳喇兵人人惴恐。無鬪志。

上遂沿河岸而下。克其臨河五城。又取金州城。駐營其城在布占泰所居大城河岸之西。距城西門二里許云。

冬十月辛酉朔。

上以太牢告。

天祭燾畢。出營。見東方有藍白二氣。指吳喇城北。

我兵屯其地三日。盡焚所積糧糗。布占泰貝勒晝則統兵出城。相持河岸。夜則入城休息。

上二子莽古爾泰貝勒。皇太極貝勒。欲渡河擊之。上曰。汝等出言。毋視若取。水河面之易也。當為探源之論耳。譬伐大木。豈能遽摧。必以斧斤斲而小之。

然後可折。今以勢均力敵之大國。欲一舉取之。能盡滅乎。且削其所屬外城。獨留所居大城。外城盡下。則無僕何以為主。無民何以為君乎。遂不聽其言。毀其六城。盡焚廬舍糗糧。移營於伏爾哈河渡口。布占泰貝勒。令吳巴海。巴圖魯。乘舟來。立而呼曰。

上乘怒興兵至此今

上怒已息。乞留一言而歸。使人來告者三。布占泰貝勒親率六臣。乘舟至河中。跣而請曰。吳喇國。即

父皇之國也。幸勿盡焚糧糗。叩首哀乞不已。

上被明甲。乘白馬。率貝勒大臣。出衆軍前。立河中。水及馬腹。厲聲責布占泰曰。我昔禽汝于陣。赦汝死。養汝。俾主吳喇國。以三女妻汝。汝藐忽天地。視為高遠。棄七次盟誓。再侵吾所屬虎爾哈路。欲奪吾子聘葉赫女。又以鳴鏑射吾女。吾以女歸汝異國。原欲尊為福金。詎意凌暴至此。若我女有過。宜告我。

夫愛新覺羅氏之人。由天降生。誰得辱之。汝即不知百世以前事。豈十世以來之事。亦不知耶。如愛新覺羅之人。曾有被辱者。則汝為是。我兵之來。為非。如無辱之者。爾何得以鳴鏑射吾女耶。吾蒙此名。能隱忍不言。齋恨沒齒乎。古人云。寧損其骨。無損其名。吾非樂有此舉。乃吾女被虐。故忿恨而來耳。布占泰對曰。此必有人離間。俾吾父子不睦。吾今身立河中。若果射

上女。又欲娶

上所聘女。皇天在上。下及河神。其共鑒之。此等語皆

謠傳也。布占泰之臣。拉布泰太扎爾固齊繼言曰。上既因此而怒。何不遣使來問。

上責拉布太曰。我部下豈少汝輩人耶。汝尚謂辱吾女為誣。奪吾所聘女為妄言乎。凡事未寔。則須問。既寔矣。又何問焉。此河無不冰之日。吾兵無不再來之理。汝能齒吾刃乎。布占泰貝勒大懼。止拉布太勿言。布占泰貝勒弟喀爾喀馬貝勒請曰。乞上寬恕。賜一言而行。

上曰。汝果無此事。以汝子及大臣子為質。始鑒汝誠。不然。吾不信也。言畢。回營。駐吳喇國五日。還兵至吳喇河邊。俄爾紅童之邑麻虎山巔。以木為城。留兵一千守之。遂班師。

冬十二月庚寅朔。是月。有氣起自吳喇國。經上宮中。高樓之南。直至虎攔哈達山。

癸丑。春正月己未朔。先是

上意吳喇布占泰貝勒。或更和好。待及一年。後聞布占泰以其女薩哈廉。子綽啟烏。及十七臣之子。送葉赫為質。娶

上所聘女。又幽

上二女於高牆之內。

上遂親率大兵。往正之。時布占泰亡。期十一日。

送其子質葉赫。而免我兵先一日已至。攻取吳喇孫扎泰城。督兵進克郭多。俄漢二城。駐營。次日。布占泰貝勒率兵三萬。越伏爾哈城而軍。時領兵諸貝勒大臣欲戰。

上止之曰。征伐大國。豈能使之遽無了遺乎。仍以前言復申諭之。

上子古英巴圖魯貝勒。姪阿敏貝勒。大臣蜚英東扎爾固齊。何和里額駙。達爾漢蝦。額宜都巴圖魯。順科落巴圖魯五人。及衆貝勒。皆奮然曰。所慮者。無計令布占泰出城耳。今彼兵既在平原廣野。舍此不戰。何故興兵而來。厲兵秣馬。亦無

用矣。倘布占泰竟娶葉赫女。辱何如之。後雖征討。夫復何益。今士飽馬騰。列陣在此。當決戰也。

上怒曰。兩國有大征伐。吾固將率諸子及五大臣。身先之。但恐爲首貝勒。及諸大臣。或有一二被傷者。深爲惜耳。非吾有所懼而止也。吾仰荷天眷。自幼年用兵以來。雖敵衆千百成羣。單騎突入。馳射擊刺。奮身搏戰者多矣。今爾等欲戰。

即戰可也。命取鎧胄至。起被之。時諸貝勒大臣。下及軍士。方慮不戰。傾耳以聽。忽聞進戰之言。皆踴躍。懽聲如雷動地。軍士盡甲。

上乃決破敵下城策。諭軍士曰。倘蒙天眷祐。敗敵。即乘勢奪門。克其城。言畢。遂進兵。布占泰貝勒。率兵三萬。經伏爾哈城而來。令軍士步行。列陣以待。兩軍距百步許。我兵亦下馬步戰。上見兩軍交射。如飈發蜂擁。殺氣彌天。上奮然挺身而入。諸貝勒大臣軍士。皆鼓勇縱擊。吳喇兵大敗。十損六七。餘皆棄兵甲。四散而遁。我兵乘勢奪門。遂克其城。

上登城。坐西門樓。時布占泰貝勒。率敗兵不滿百人。急回城下。見城陴悉樹我軍旗幟。大驚而奔。

遇古英巴圖魯貝勒。統精兵截戰。布占泰勢不能敵。遂遁。又損兵過半。餘皆大潰。布占泰僅

以身免。投葉赫國而去。獲馬匹盔甲器械無算。吳喇國所屬城邑。皆歸附。駐兵十日。大賚有功將士。吳喇敗兵。有負妻子來投者。盡還其家口僕從。編戶萬家。其餘俘獲。分給衆軍。乃班師。初吳喇國。本名扈倫。姓納喇。後因建國吳喇河岸。故名吳喇國。其始祖名納齊卜祿。生商堅。朵爾和齊。商堅。朵爾和齊。生加麻喀碩朱古。加麻喀碩朱古。生綏屯。綏屯生都爾機。都爾機生子二。長克習納都督。次古對朱顏。克習納都督。生轍轍木。轍轍

木生萬。古對朱顏生太蘭。太蘭生布顏。布顏盡服吳喇諸部。築城於吳喇河岸洪尼地。自稱為貝勒。生子二。長布干。次博克多。布顏卒。子布干繼之。布干卒。子滿太繼之。至滿太弟布占泰。國乃滅。

太祖壬子年并癸丑年

天命元年秋七月丁亥

上命達爾漢蝦。順科落巴圖魯二臣。統兵二千。征

東海薩哈連部。二臣奉

上命。行至兀兒。見簡河。剡舟二百。水陸并進。取河南

河北諸寨。凡三十有六。

八月己亥朔。○丁巳。達爾漢蝦。順科落巴圖魯。兵。於黑龍江南岸之佛多羅坤寨。駐營。其江及松噶里。吳喇河。俱於每歲九月間始冰。是日。我衆見黑龍江他處未冰。獨對寨之水。寬二里許。橫結冰橋一道。約寬六十步。將士皆驚。曰。觀此冰橋。乃

天助我也。衆忻然引兵渡之。遂取薩哈連部內十一寨。及兵回時。先渡之冰橋已解。其西偏。復如前結冰一道。我兵既渡。冰盡解。後至九月。仍應時而冰。遂又招服使大路。諾洛路。石拉忻路。路長四十人。乃回兵。

九月己巳朔○甲午。達爾漢蝦。順科落巴圖魯
兵。回入都城。

戊戌春正月丁亥朔

上命長子褚燕台吉。幼弟巴雅喇台吉。與噶蓋扎爾固
齊蜚英東扎爾固齊。統兵一千。征安褚拉庫路。星馳
而往。取屯寨二十餘。將所屬人民盡招徠之。於是賜
褚燕台吉名洪巴圖魯。巴雅喇台吉名卓立克圖。
是年。哈達國貝勒孟格布祿所居城北。溪中流血。

秋九月丙辰朔。先是

^{葉赫}
上遣使諭葉赫國曰。昔我陣擒布占泰。赦其死而養

之。妻以三女。輒敢以恩為讐。吾故怒而往征。削平
其國。今投汝。汝其執之以獻。使者凡三往。葉赫國
金台石貝勒。布揚古貝勒。拒命不從。辛酉。

上率兵四萬征之。時有逃卒至葉赫。洩軍期。葉赫
遂收張。吉當阿。二路居民。獨兀蘇城以痘疫未收。
上率兵圍兀蘇城。諭城中人降。不降。且進攻。城中
人曰。汝國之兵。如林之衆。如泉之湧。甲冑光芒。如
冰如雪。非我等所能禦也。苟撫我。我降。其城長名
山談。扈石木者。遂開門降。匍匐謁

上。

上飲以金卮。以所戴嵌飾東珠金佛冠。并衣。賜之。將張城。吉當阿城。兀蘇城。呀哈城。黑兒蘇城。何敦城。喀布齊賚城。俄吉岱城。大小城寨凡十九處。盡焚其廬舍糧儲。收兀蘇城降衆三百戶而回。是時葉赫國金台石貝勒。布揚古貝勒。使其臣譖

上於明曰。哈達。輝發。吳喇三國。滿洲已盡取之。今復侵我葉赫。其意欲削平諸國。即侵明。取遼東以建國都。而開原鐵嶺。為牧馬之場矣。明信其言。遣使謂上曰。自今以後。勿侵葉赫。若從吾言。是推吾之愛而罷兵也。若不從吾言。而侵之。將來必有侵我之日矣。遂遣遊擊馬時楠。周大岐。率鍊練習火器者千人。守衛

葉赫二城。

上聞之。欲以書致明國。遂躬詣撫順所城。庚辰卯時。行至古勒城之野。日之兩傍。有青紅二氣。對照如闕門。祥光四映。隨行不已。

上見之。率衆拜。其光乃止。明日。至撫順所。遊擊李永芳出城。迎於三里外。馬上以禮接見。導入教場。

上以書與永芳。其辭曰。昔吾國興師。原以葉赫。哈達。吳喇。輝發。蒙古。席北。卦爾察等。九姓之國。曾於癸巳歲。合兵侵我。天厭其辜。我師大捷。斬葉赫布寨貝勒。獲吳喇布占泰。貝勒以歸。逮丁酉歲。刑馬軟血。復爾尋盟。通婚媾。無忘舊好。詎意葉赫。渝棄前

盟將已字之女。悔而不子。至吳喇國布占泰。吾斤
育者也。反以德為仇。故伐之而殲其兵。取其國。今布
泰孑然一身。奔于葉赫。又留之。不吾與。此吾所以征
葉赫也。我與汝國。何嫌何怨。欲相侵耶。
上既以書與永芳。不移時。即還。

太祖癸丑年

天命四年六月。己未。

上命大臣穆哈連。率兵至東海虎爾哈部。將
所遺居民凡千戶。男子二千。收之而回。
上出城撫之。

六年六月。辛酉。

上率兵四萬。取明開原城。軍行三日。天大雨。
河漲。

上謂貝勒與諸臣曰。將回兵耶。抑進兵耶。道
濘。渡口水溢。倘難濟。兵行非便。若留一
日。待水涸。土燥。恐逃者洩語。俾明知我取
開原也。宜進兵瀋陽。疑之。遂發兵百人。略
瀋陽。殺三十餘人。禽二十人。而回。使
開原道。及河水可濟。不可濟。而開原無雨。
道不濘。使者馳告。

上乃率大兵行。丁卯。平旦。至開原。總兵馬林。副將于化龍。權道事推官鄭之範。叅將高貞。遊擊于守志。守備何懋官等。嬰城守。城上列少兵。陳兵城四門外。我兵設楯梯進。攻掩擊東門外。所陳兵敗之。填擁於門。爭入。我兵奪門搏戰。而攻城之兵雲梯未布。即踰城入。城上兵四面皆潰。城外三門兵見城破。大驚奔竄。我兵據門堵禦。濠不得渡。盡殲其衆。鄭之範先遁得脫。馬林。于化龍。高貞。于守志。何懋官。盡殲。

上登開原城。坐南樓。偵者以鐵嶺衛有兵三

千來援。馳告。諸貝勒率兵迎敵戰。明兵望見即奔。我兵二十人追及之。斬四十餘人。而回。留兵三日。其所獲舉之不盡。有阿布兔。巴圖魯者。蒙古人也。先投明。授官守備。居開原城。因尋覓妻子。率二百餘人降。即以妻子家產盡給之。於是論貝勒大將士等功。賞資畢。毀城郭。焚官廨。



上子

部士等以實實畢短短

以妻子家產盡論之於是論貝

奇開魚姓因每實妻子率二百餘人

已聞論音。案廿人也。先於。故首。子

毛。回。留。其。二。日。其。以。幾。辭。以。比。其。在。包。十

長。以。存。其。二。日。其。以。幾。辭。以。比。其。在。包。十

十來對。規。昔。諸。貝。姓。率。兵。以。幾。辭。以。比。其。在。包。十

十。來。對。規。昔。諸。貝。姓。率。兵。以。幾。辭。以。比。其。在。包。十



